



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 28. Concilium Metense Lothario favens.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX.

A. C. 863.

ep. 33.

Odoni præterea epistolam Papa commisit, ad Rotadum datam, in qua solatium suggerit, & hortatur, ut Romam se conferat, quamprimum libertate frueretur. *Si eam vero, inquit, impetrare non possis, id nobis per litteras significa, & a proposito Sacram Sedem appellandi dimoveri te non patiaris.* Hæc epistola vigesima octava Aprilis, Indictione undecima, nempe anno octingentesimo sexagesimo tertio data est, unde conjicimus, ceteras quoque, quas Odo detulit, eadem die datas fuisse. Duobus vero mensibus moratus est Romæ, & in Franciam redux pervenit vigesima tertia Julii, cum Hincmarum Papæ epistolas illa die accepisse sciamus.

*Nic. ep. 41.
to. 8. Conc.
p. 796.*

§. XXVIII.

Concilium Metense Lotharium favens.

Interim Legati Rodoaldus & Joannes Metas profecti indictum Concilium mense Junio mediante eodem anno 863. celebrarunt. Nullus Episcoporum Germaniæ vel Neustriæ, id est, ex Regnis Ludovici vel Caroli advenit, sed ex Regno Lotharii adfuere omnes, solo Hungario Ultrajectensi excepto, quem morbus venire prohibuit. Omnes Regis voluntati assentati sunt, & Legati Regia munificentia corrupti, pressis Papæ epistolis, accepta mandata dissimularunt.

Dixit,

*Ann. Fuld.
863. Metens.
865. Bertin.
863. Nic. ep.
58.*

Dixit iis Lotharius, se simpliciter paruisse
 Judicio Episcoporum Regni sui in Conci-
 lio generali congregatorum. Nempe in
 Concilio tertio Aquisgranensi, anno præ-
 terito, celebrato. Id non negarunt Epi-
 scopi; itaque congestis in speciem ali-
 quot argumentis, quibus facta sua pro-
 bare nitebantur, cuncti conscripto Libel-
 lo subscripserunt; cumque aliquis Epi-
 scoporum subscribens adjecisset, hæc
 Acta prius non valitura, quam Papæ exa-
 men subiissent, Guntharius accepto cul-
 tello hæc verba e pergameno ita erasit,
 ut nihil nisi nomen Episcopi remaneret.
 Tandem Legati, ut aliquid saltem præ-
 stitisse viderentur, Regi suaserunt, Ro-
 mam esse mittendos Guntharium Colo-
 niensem & Theutgaudum Trevirenses
 hujus Concilii Præsides, qui Libellum
 deferrent, & a Papa confirmationem pe-
 terent.

Sæculum IX.
 A. C. 863.

Sub idem tempus, Concilio Metensi
 soluto, Adventius Episcopus libellum
 conscripsit, quo se & Regem Lotharium
 purgaret; in quo summam dicebat:
*Augustus Lotharius filio suo Lothario ado-
 lescentulo Virginem nobilem nomine Wal-
 dradam sponsam conciliare volens, eidem
 ut sponsalia confirmaret, centum mansos*
*donaverat. Quoad parens in vivis egit,
 Lotharius junior cum Waldrada tanquam
 sponsa legitima fuit, id videntibus &*
scien-

ap. Baro.
 an. 862.

* centum fa-
 milias gle-
 bæ adscri-
 ptas.

Sæculum IX. *scientibus ejus pædagogis, Præsulibus, &*
A. C. 863. *Regni proceribus. Vix autem Lotharius*
Imperator decesserat, diebus luctus necdum
præteritis, Hubertus Theutbergam soror-
rem suam juveni Regi adducit, & malis
artibus uxorem obtrudit, ausus minari,
effecturum se, si consiliis suis repugnaret
Rex, ut de regno periclitaretur. Duxit
ergo Theutbergam Lotharius, sed invi-
tus, ut ipse testatus est. Cum postea tur-
pissima fama Theutbergam sequeretur,
quod olim fratri suo fuisset commixta,
ipsa scelus confessa, & damnata, fuga se
provipuit. Hac re jubente Rege Lotba-
rio ad Nicolaum Papam delata, misit ille
Oratores, quibus & Rege præsentibus ce-
lebratum est Metense Concilium. Ibi Rex
omnia, quæ modo dicta fuerunt, de nuptiis
suis cum Waldrada, Augusti parentis sui
auctoritate initis, exposuit. Quia vero
plurimi passim de hac re varie opinantur,
publice, quid sentiam, & qua mente
hoc negotium pertractaverim, profitebor:
quando Imperator filio suo Waldradam tra-
didit, necdum eram episcopali onere gra-
vatus, & his actibus non interfui. Sed
etiam secundum cum Theutberga conju-
gium non nisi per famam ad aures meas
delatum est. At postquam Episcopus or-
dinatus fui, de his nuptiis ita sentire cæ-
pi: Christianissimus Imperator in Fide
Christi, & sua, filio suo dedit virginem.

At

At Fides Dei scortum non donat. Econ- Sæculum IX.
A. C. 863.
tra illa dimissa aliam ducere adulterium
fuit. Theutberga vero sponte horrendum
fratris amplexum confessa est, quod viri
fide digni testatum faciunt. Hac sunt,
quæ de hac causa sentio.

§. XXIX.

Hilduinus Cameraci intrusus.

Inter epistolas Nicolai Papæ, ab Odone
Episcopo Bellovacensi in Franciam de-
latas, tres erant pertinentes ad causam
Hilduini, cui Rex Lotharius Episcopa-
tum Cameracensem Theodorici morte
vacantem contulerat. Erat Hilduinus
Guntharii Archiepiscopi Coloniensis ger-
manus & celeberrimo Hilduino Abbati Sup. lib.
XLVIII.
ad S. Dionysium affinitate conjunctus. S. 28.

Hincmarus vero, cui tanquam Metro-
politæ subjecta erat Ecclesia Cameracensis,
quamvis esset Hilduini Abbatis discipu-
lus, hunc Episcopum ordinare recusa-
bat, obtendens, esse secundum Canones
Episcopatu indignum. At Lotharius non
modo licentiam alterum ordinandi de-
negavit, sed etiam Hilduinum in posses-
sionem Bonorum ad Ecclesiam Camera-
censem pertinentium immisit. Cum
postea Hincmarus contra Hilduinum ac-
cusationis libellum, in quo causæ, ex
quibus eum ordinare nollet, contineban-
tur, conscripsisset, eumque Lothario in
Conven-